



Tir Yimyim

www.tiryimyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimyim@gmail.com

TAPAK 6 Yangia anidakangma : Tir Yimyim tiryimyim@aolima tir yimyim TAPAK 8

Meghalaya tsür Rachel-i Miss Hornbill International 2023 angu

JWBC: Amisha, Prachi aser Hardik nungeri silver medal angu

VOL. XXI NO. 58 (ADOK 58) DIMAPUR SANGTENNÜ (TUESDAY) LUCHII (DECEMBER) 05, 2023 ₹ 5.00

Mizoram nung ZPM-i MNF sorkar atsüngdokogo

Aizawl, December 4, 2023 (Agencies): Mizoram assembly election nung Zoram's People Movement (ZPM)-i menden 27 takok ngua sorkar akümtsü.

ZPM-i Mizo National Front (MNF) sorkar madak takok tulu nguogo. Tanü votes azüngba sülen MNF-i menden 10, Bharatiya Janata Party (BJP)-i menden 2 aser Congress-i menden 1 nung takok angu.

Taküm election nung BJP-i constituency 23 nung toktepa nungi 2 nung dang takok angu. Aam Aadmi Party (AAP)-ia tang mezüng atema menden 4 nung toktepa saka ka nung danga takok mengutet.

Mizo National Front (MNF)-i 2018 nungi Mizoram nung sorkar yimsü süa aru. 2018 nung parnok i züngsem 40 agi akümba assembly nung menden 26 nung takok ngua liasü saka takümba parnok i menden 10 nung dang takok ngutetogo.

Zoram People's Movement ya küm pezü tejakdang ang register asüba political party ka lir saka taküm election nung parnok i menden 27 nung takok angu.

Arishi küm 73 tain ZPM tekolak Lalduhoma-i 1984 nung mezüng atema Congress ticket amer Mizoram assembly election nung toktepa liasü saka idangji People's Conference party candidate Lalhingthanga tsüngdang tamakok angu.

Lalduhoma ya ex-IPS officer ka lir aser pai taoba Prime Minister Indira Gandhi security in-charge ka ama inyakogo.

Mizoram chief minister Lal Thanhawla aser cabinet minister kar anema tasa atonga inyak ta tai tonglokja Lalduhoma ya MP nungi anenja liasü aser anti-defection law kübok MP ka mezüngbuba mapa nungi anentsübaji pa liasü.

Taküm election nung Chief Minister teinyakdak Zoramthanga-i Aizawl East-1 constituency nung tamakok angu aser pa den deputy Chief Minister Tawnluia-ia Tuichang constituency nung tamakok angu.

Tanü anüngdang Chief Minister Zoramthanga-i Governor Dr Hari Babu Kambhampati dangi pa mapa nungi anenba shidi ka züluogo.

Kohima HuB nung Innovation & Incubation Space lapok

Kohima, December 4, 2023 (DIPR): December 4, 2023 nü Capital Convention Center nung Innovation & Incubation space Kohima HuB lapokogo.

Kohima HuB ya Mission Director AIM (NITIAaYOG) Dr. Chintan Vaishnav-i lapoktsü.

Nagaland nung entrepreneur tejangraba ajiteter aser len shitak tuyuba ajanga iba HuB ya startups tajangzük angudak asütsü ta Dr. Chintan-i ashi.

Iba sentong nung Industries & Commerce Advisor Hekani Jakhalu-ia StartUp Nagaland indang osang lemsatop.

Laisa Department of Industries & Commerce aser

Investment & Development Authority of Nagaland (IDAN) indang maparen osang metetdaksü.

"Iba mapa ajanga Nagaland nung tasen purapitetba aser rongsenketzüng renloka aotsü. AIM ajanga iba wadang nung mapa tajung inyakba atema tenünsang agütsür" ta Hekani-i ashi.

Laisa sendaktepa alir ajaki Nagaland ya progressive startups tenzükdak südaksütsü ayongzük.

State sorkari StartUp Nagaland dena startups asoshi maparen balala inyakba atema pelaba metetdaksü.

Manipur nung tasü mang 13 angu

Imphal, December 4, 2023 (Agencies): Manipur kübok Tengenoupal district nung Hombar nü telok ana tsüngda khatepba sülen tasü mang 13 tashi ngutetogo.

Iba lendong ya Hombar anüngdang Leithu yimtsüng nung atalok.

Tengenoupal district kübok Kuki nunger teimba ser aliba Leithu yimtsüng nung telungpur telok ana khatepba osang angashili security forces iba tesem tonga ao ta ketdangsürtemi ashi.

Idangji security forces-i

tasü mang 13 tashi angu saka parnok maitsü mejangjatet lir. Tasürtemji non-locals asütsü akok ta temulung melemi bilemba osang metetdaksüogo.

"Hombar anüngdang nisung telok ka Myanmar-i aodang tanga telok kati amak aser idangji nisung 13 khaset" ta ketdangsür kati ashi.

Centre aser Manipur sorkartemi Pambei-i aniba United National Liberation Front (UNLF) den yimjung tenangzüktep ka agiba sülen anogo pezü lir iba lendong atalokogo.

Konyak nunger aser NSF-i Oting nung asürtem bilemteter



December 4, 2023 nü Naga Students' Federation (NSF)-i Oting tatalokba bilemteter Black Day amongdang agiba noksa angur.

Dimapur, December 4, 2023 (TYO): Nagaland nung Hornbill Festival amongba mapang Konyak nunger aser Naga Students' Federation (NSF)-i Mon district nung sepaitemi civilian 14 tepsetba bilemteter sentongtem ayonga agiogo.

Naga Heritage Village Kisama nung Konyak nungeri nisung 14 bilemteter ola madoki tetushi agütsüba sentong ka agi.

"Konyak Naga nunger Hornbill festival nung adentsü arua lir saka benjung mongaka onoki Oting nung tai maket civilian tem bilemteter" ta Konyak Union Kohima vice president Jeiang Konyak-i ashi.

Külen, Kohima jila nung Naga Students' Federation (NSF)-i Oting nung tepsetertem bilemteter black day among.

Iba mapang NSF-i Naga lima nungi Armed Forces (Special) Powers Act agientsü takhangba agütsü.

"Indian Armed forces-i tai

maketba civilian 14 tepset aser iba ya kodanga mamadoktsü. NSF-i Indian armed forces den amalitet malitsü lemtepa nungi masetsihii noktaka lir" ta NSF president Medovi Rhi-i ashi.

"Armed forces-i tai maketba civilian tem tepsetba ya Naga nungeri angatetsüla" ta taoba NSF president aser tribunal member Kegwayhun Tep-i ashi.

"2021 küm Oting lendong ajanga Hornbill Festival anen aser aibelenertem memerenshiba agi takoksa ajururtemi temeten mangu lir" ta Tep-isa ashi.

NSF-i Indian Army Morung magizüker

"Indian Army-i Naga Heritage Village nung Indian Army Morung ka lapokba atema mepelar. Iba ya tasütait sepaitem nem tetushi agüja lapok ta ashir aser iba ajanga Naga nunger aser meimchir temeten atema inyakertem jashidaksüogo" ta NSF-i ashi.

"December 4, 2021 nü Oting

nung Indian Army-i tai maketba civilian 14 khasetba ajanga Hornbill Festival ajungbena dang mamongtsüsa aküm. Iba tesempatsü mapa inyakba atema sorkari Indian army personnel 30 tashi jangjateta liasü saka küm ana süiaka parnok dak ozüngi melaba ama mapa meinyak lir" ta President Medovi Rhi aser General Secretary Chumben Khuvung nati sangdong nung shia lir.

Nagaland nung Armed Forces Special Powers Act (AFSPA) benoka aliba ajanga Indian Army-i tashi alia amshir aser nisungtem tepsetogo. Aibelenertem memerenshiba ajanga northeast nung meimchir temeten tsütsü teblemetsü tulu lir. Iba nung ajemdaker Indian Army-i Naga Heritage Village nung Indian Army Morung lapokba ya Naga nunger sobaliba anema lir ta NSF-i ashi.

Maneni bangdak department temi Naga nunger sobaliba meshisadangi Indian Army nem iba Morung lapoktsü tesem agütsüba atema mepelar. Osangkakettem nung "Indian Army Morung" ta olung amshiba ya melentsüla aser India sorkar dang Naga nunger tangatetba akhümtsübutüsü metetdaksür, ta NSF-isa ashi.

India sorkar dang Naga nungeri mapang talangka nuni khangyonga aruba AFSPA agientsü ayongzük aser 2021 Oting lendong nung aibelenertem ozüng tapet kübok merenshitsü akhanger ta NSF-isa metetdaksü.

Cyclone Michaung ajanga Chennai nung nisung 5 asü



Chennai, December 4, 2023 (Agencies): Cyclone Michaung ajanga Hombar nü Tamil Nadu aser Puducherry nung tzünglu kanga aruogo.

Iba yipru ya Bay of Bengal nung ondar aser Andhra Pradesh tzükümleni aoer.

Tanü Tamil Nadu kübok Chennai, Chengalpattu, Kancheepuram, Nagapattinam aser Cuddalore district tem nung tzünglu kanga aru aser tamajungtiba kongshibaji Thiruvallur district liasü.

Tzünglu kanga aruba ajanga lendong balala nung nisung 5 asüba osang angazükogo ta Chennai police-i ashi.

Chennai yimti tesem teimbaka tzü agi mobanga lir aser asüng anüngdang tashi nung Cyclone Michaung ya Nellore aser Machilipatnam nung ali atongtsü.

Tanü Chennai aser anameta aliba district 3 nung school, college aser sorkar office ajak shibanga liasü aser state sorkari nijba company tem dang parnok mapa inyakertem kidang nungi inyakdaksütsü ayongzükogo.

Tamil Nadu sorkarisa district pezü nung Mongulbarnü public holiday asütsü metetdaksüogo.

Tamil Nadu nung tzüküm anasa aliba district tem nung ketdangsürtemi relief centres

5,000 jungnüa lapokogo.

Chief Minister MK Stalin-i yasüng safety measures meyipa repringdangogo aser tensa osang kanga junga metetpeladar.

"State sorkari Cyclone Michaung atema renema lir. Minister aser ketdangsürtemi pei pei lemzüka tesem nung lir. Public-i safety protocols sülen anidaktsüla. Nüngdak balaka melira yipru mesüi tashi public kimai malutsü mepishir" ta Chief Minister Stalin-ia metetdaksüogo.

Union Home Minister Amit Shah-ia CM Stalin den jembiogo aser takoksa ajuruba atema teyari agütsütsü nangzükogo.

Nüburtemi tenem ozü wazüka ayutsüla: Minister CL John

Dimapur, Luchii/December 04 (TYO): State nung ajaki temeimtiba ozü - hornbill wazüka ayutsü department-i awareness agütsüba tang mezüngbuba lir, ta Minister, Environment, Forest & Climate Change and Village Guard, C L John-i Hombarnü ashi.

Iba hornbill (tenem) ozü indang awareness agütsütsü asoshi Kisama nung tang telidak Hornbill Festival nung department ajanga counter ka lapoka lir.

Iba benjongmung ya lenmang ka-sü nung longsolongbena pelatepba lir, saka Naga nungger telungjem asoshi ajungmesoba mapang lir, ta Minister John-i

Hombarnep Green Park, Dimapur nung 'Run for Hornbill: Against time' tenzüksü dang ashi.

Pai nüburtem dang iba tenem ozü aser parnok alitsü tesem kumzüka aser wazüka ayutsü ajungshi aser department-ia maneni mera balala agitsü, ta ashi.

Paisa Dimapur jila tiyong nung 'vertical garden' ka semzüksü, koba sen lakh 25 indoka yanglua liasü.

Iba atsüki ya National Clean Air Programme (NCAP) kübok Department of Environment, Forest & Climate Change ajanga yanglua liasü.

Commissioner and

Secretary, Environment, Forest & Climate Change, Nagaland, Y Kikheto Sema-i ashiba agi, asen sobaliba tanaben shia arudaktsüba aser wazüka ayutsü ya tongtipang lir aser ibai konang-nüngsang ka lir.

Ajisüaka asen Naga nungger sobaliba nung aliba ama 'traditional headgears' nung shidakba tenem züing ya maneni amshira, state nung tenem ozü mali iba Hornbill benjong amungtsü, ta ashi.

Pai tribal hohos aser cultural troupe ajunga dang tenem ozü mesamadaktsütsü mechi tenem züing melen danga amshitsü ayongzüka liasü.

(Maneni tapak 8 nung...)

Hornbill Festival 2023 Day 4: Kin

Dimapur, Luchii/December 04 (TYO): Naga Heritage Village, Kisama nung Hornbill Festival 2023 tenzüker pezünü buba jangratema süiyogo.

Anepdang sobaliba dak sendakba yimya balala sayuba sentong nung tongti tesemdang ya MD JK Tyres, Anshuman Singhanian liasü aser Host ya Advisor, Youth Resource & Sports, S. Keoshu Yimchunger liasü.

Iba sentong nung tetushi tesemdangertem ya Executive Director (Retail) Santosh Kumar, ED (Engineering Projects), Head Retail (East) Debahis Niak, Chief Regional Manager (LPG) Indian Oil Corporation Ltd. Dinesh Prasad Vidyarthi, Sanjeeb Paul ED (Operation Logistics) aser Executive Director (Operation & Logistics) Dinabandhu Mandal nungertem liasü aser Ao Naga kin nunggi Waitsungba Walling ajanga sobaliba ren nunggi temoatsü agüja liasü.

Iba sentong nung Chang cultural troupe ajanga 'chishok lamshok' tsüingsang, Ao cultural troupe ajanga 'An tepong mechitep' tsüingsang, Khamniungan cultural troupe-i 'hoi-yie Tsui' ken, Sangtam cultural troupe ajanga 'milahlahba' (traditional fire making), Sumi cultural troupe-i 'aphilo

kuwo' tsüingsang, Rengma cultural troupe ajanga 'pelegho' ken, Zeliang cultural troupe ajanga 'nat lei' tsüingsang aser Yimkhuing cultural troupe-i 'photangzu thuneo' tsüingsang agi shilem agia liasü.

Nikongdang sentong nung Host ya Minister, Power & Parliamentary Affairs, K.G Kenye liasü aser pai Nagaland semdangertem dang pelaba lemsatapa liasü.

Nikongdang sentong nung Phom cultural troupe ajanga Mailok Asho ken aten (Traditional Love Song), Garo cultural troupe ajanga Quarrel Dance, Lotha cultural troupe ajanga 'Hayi Hala' (asaya tabu ka), Konyak cultural troupe ajanga Kheaphot Shon tsüingsang, Kuki cultural troupe ajanga Savailhun (Demonstration), Kachari cultural troupe ajanga 'Bagurumba' tsüingsang, Tikhir cultural troupe ajanga 'Kuhlangnye Khin' ken, Pochury cultural troupe ajanga Heh (tsüingsang), Angami cultural troupe ajanga 'Kuokelie Rülou' tsüingsang agi shilem agia liasü.

Iba sentong nung tetushi tesemdangertem ya Chief General Manager (LPG), Indian Oil Corporation LTD., Dinesh Prasad Vidyarthi liasü.

DIPR ajanga Nagaland Film Festival ayongzüksü

Dimapur, Luchii/December 04 (TYO): Taoba mapang asemben tashi takok ngua ayongzüksüba sülen Nagaland nung pezü buba Nagaland Film Festival sentong December 7 & 8, 2023 anogotem "Frames of Harmony" omen nung ajemdaker RCEMPA, Jotsoma, Kohima nung Department of Information & Public Relations ajanga ayongzüksü.

Iba sentong ya tang telidak Hornbill Festival 2023 nung shilem ka ama lir, koba Film Association of Nagaland

(FAN) aser Ministry of Information & Broadcasting, Government of India den lungjemer ayongzüksü.

Ananü film benjong nungya Nagaland, North East, India aser ano Germany, France aser Sri Lanka linüktem nunggi film sayutsü aser "Nocturnal Burger" film ya mezüng sayutsü.

Lanurtem yaritsü aser industry nung takotet nisungtem den sendakteptsü asoshi kasa mapang panel discussion aser workshops alitsü.

Iba Film Festival nungya linük tesem balala nunggi actors aser film yanglur temi shilem agitsü aser Central Ministry nunggi ketdangsurtem arua adentsü.

Department of Information & Public Relations ajanga ayongzüksü Short Film Competition indang result ya iba sentong tenzüksüba mapang sangdongtsü.

Nagaland Film Festival ya December 7, 2023 anepdang 10:00 ako nung tenzüksü aser iba benjong nung nüburtemi angati adentsü akok.

FOURTH NAGALAND FILM FESTIVAL

FREE ENTRY

7-8 DECEMBER 2023
RCEMPA, JOTSOMA, KOHIMA

DAY 1 07.12.2023

SCREEN 1

FILMS FROM NORTHEAST INDIA

- 10:00 - 10:30 : Inaugural
- 10:30 - 11:00 : **Opening film**
NOCTURNAL BURGER (Fiction/Maharashtra) 28m
Dir. Reema Maya
Casting Hilo Sunka from Arunachal Pradesh
- 11:00 - 01:30 : **TORA'S HUSBAND** (Fiction/Assam) 2h15m
Dir. Rima Das (followed by Q&A)
- 01:30 - 02:30 : Lunch break
- 02:30 - 03:30 : **Masterclass "BREAKING INTO THE FILM INDUSTRY"**
- Nancy Nisa Beso
- 03:30 - 03:50 : **EPICHIUM** (Animation/Nagaland) 6m
Dir. Maipangnok Longkumer (followed by Q&A)
- 03:50 - 04:15 : **MYTH** (Fiction/Sikkim) 15m
Dir. Amir Gurung (followed by Q&A)
- 04:15 - 05:50 : **OUR HOME** (Fiction/Manipur) 1h26m
Dir. Romi Meitei (followed by Q&A)

SCREEN 2

WORLD CINEMA

- 11:00 - 1:00 : **Workshop "WHO ELSE WILL SING OUR SONGS? RE-CRAFTING THE DOCUMENTARY FILM"**
- Moji Riba
- 01:00 - 01:15 : **THE SONG OF FLYING LEAVES** (Animation/ Armenia) 12m
Dir. Armine Anda
- 01:15 - 03:25 : **PRAKASH** (Feature/Nepal) 2h7m
Dir. Dinesh Raut
- 03:25 - 03:45 : **BRINK OF TEARS** (Fiction/France) 19m
Dir. Anne Amiant
- 03:45 - 06:00 : **GUNDERMANN** (Feature/German) 2h7m
Dir. Andreas Dresen

DAY 2 08.12.2023

SCREEN 1

FILMS FROM NORTHEAST INDIA

- 10:00 - 10:30 : **SUCCULENT** (Fiction/Uttar Pradesh) 30m
Dir. Amrita Bagchi
Casting Merenia Imsong from Nagaland
- 10:30 - 11:05 : **A STAR IS BORN** (Documentary/Mizoram) 24m
Dir. Napoleon RZ Thanga (followed by Q&A)
- 11:05 - 11:15 : **BIG EYED PIG'S LAST MEMORIES** (Fiction/ Arunachal Pradesh) 6m
Dir. Mankap Nokwoham
- 11:15 - 12:30 : **ANDRO DREAMS** (Non-fiction/Manipur) 1h33m
Dir. Meena Longjam (followed by Q&A)
- 12:30 - 01:00 : **JUST LIKE OUR GRANDMOTHERS** (Non-fiction/Nagaland) 14m
Dir. Chentei Khamniungan (followed by Q&A)
- 01:00 - 02:00 : Lunch break
- 02:00 - 03:00 : **Panel Discussion "CINEMA AS A BRIDGE: UNITING DIVERSE VOICES THROUGH FILMS"**
- 03:00 - 05:00 : **HEWDUH** (Fiction/ Meghalaya) 1h45m
Dir. Pradip Kurbah (followed by Q&A)
- 05:00 - 05:30 : Valedictory

SCREEN 2

WORLD CINEMA

- 10:00 - 12:00 : **Workshop "THE ART OF COLOUR GRADING"**
- Hadwt Bagliari
- 12:00 - 01:25 : **OUR MOTHER GRANDMOTHER PRIME MINISTER SIRIMAVO** (Documentary/Sri Lanka) 1h23m
Dir. Anomaa Rajakaruna
- 01:25 - 03:25 : **GURAS** (Fiction/India) 1h58m
Dir. Saurav Rai
- 03:25 - 05:00 : **KADDISCHFÜREIHEN FREUND (KADDISH FOR A FRIEND)** (Drama/Germany) 1h34m
Dir. Leo Khasin

7-8 DECEMBER 2023
RCEMPA, JOTSOMA, KOHIMA

FOR MORE INFORMATION, WRITE TO filmassociationofnagaland@gmail.com

Congress-i December 6 nü INDIA teloktep senden ayongzüker

New Delhi, Luchii/ December 04 (Agencies): Congress party-i December 6 nü New Delhi nung Indian National Developmental Inclusive Alliance (INDIA) teloktep senden ayongzüker.

Congress Tir, Mallikarjun Kharge-i INDIA teloktep nung aliba party tem nungi lenirtem dang iba senden amentsü osang metetdaksüo.

Tawa Rajasthan, Madhya Pradesh, Chhattisgarh, Telangana aser Mizoram state tem nung assembly elections agia osang sangdongba sülen INDIA teloktep senden amentsü.

Congress leniba nung INDIA teloktep ya opposition party 20 dak temai tentetba teloktep ka lir. Sangküm Lok Sabha election nung BJP-i aniba NDA teloktep anema longjemer tokteptsü nükjidong nung INDIA teloktep ya tentet.

Taküm July ita nung Bengaluru nung opposition party tem senden ka nung INDIA tentetba sülen senden asemen menogo.

Ano tanga osang ka nung, Trinamool Congress tongti lenir aser West Bengal Chief Minister, Mamata Banerjee bo INDIA teloktep senden nungji madentsü.

Hombarnü Mamata Banerjee-i, tawa state elections nung Congress-i tamakok angubaji parnoki INDIA teloktep nung tanga party tem den menden lemsatsü memelungba agi lir, ta ashi.

Mamata-i, "Congress-i Telangana nung takok nguogo. Parnoki Madhya Pradesh, Chhattisgarh aser Rajasthan nunga takok ngur lila. Votes karbo INDIA party tem tsüingda lemsaogo, ibaji atangji lir. Onokibo menden lemsar tokteptsü benoka liasü.

(Opposition party tem) Vote lemsaba agi parnoki (Congress) tamakok angu," ta ashi.

"Iba (senden) osangji kü nem memetdaksü. Ibayongji ni north Bengal nung jelia sentong ka yanglur liasü. Ni senden amentsü alibaji metet asübo iba sentong yanglutsü asü? Ni metet asübo atangji ni senden nung adentsü liasü. Ajsüiaka ni iba osangji memetet, anungji ni north Bengal-i aotsü," ta lai metetdaksü.

Congress-i Rajasthan, Madhya Pradesh aser Chhattisgarh assembly elections nung tamakok ngur aliba mapang nung INDIA teloktep senden amentsü. Iba senden nung sangküm Lok Sabha elections atema asalentong yanglutsü imlar.

Congress-i Telangana nung ang takok ngua Bharat Rashtra Samithi (BRS) sorkar atsüingdokogo.

Parliament mezüingnü Rajya Sabha nung Post Office Bill agizük

New Delhi, December 04 (Agencies): December 04, 2023 nü asükwa mongpu Parliament tenzükba anogo nung Rajya Sabha nung Post Office Bill, 2023 agizükogo; iba ozüing ajanga tesüiba küm 125 tashi aliba Indian Post Office Act melentsü.

Rajya Sabha nung Post Office Bill benoka o lemtepa mapang nung Communications Minister, Ashwini Vaishnaw-i, "Kanga tebenja aser lokti aika aliba loktiliba ka nung, aser tensa mapang tasak mapang nung tiyongtsüi ia inyaktüsü kanga tongtibang. Iba ama ozüing ya linük security atema lir," ta metetdaksü.

Indian Post Office Act ya post office ajanga shidi belenba service agütsüsü atema 1898 küm benoka liasü. Indian Post Office Act, 1898 melen Post Office Bill, 2023 agizükba

ajanga linük nung post office tem inyakyim melenshia sensotem nem service agütsüsü.

Anepdang Rajya Sabha Chairman, Jagdeep Dhankhar-i vice chairpersons panel nung züingsem 8 tentetshia liasü. Tangbo iba panel nung züingsem 8 nungjagi tetsür pezü alitsü. Tetsür pezüji

Congress MP, Phulo Devi Netam den Bharatiya Janata Party MP asem- Phangnon Konyak, Darshana Singh aser Sonal Mansingh nung lir.

Rajya Sabha senden Mongolbar anüingdang 11:00 ako tashi thinenogo aser INDIA teloktep nungi Parliament Floor lenirtem anepdang 10:00 ako nungi Rajya Sabha Leader of Opposition chamber nung senden amentsü.

Asükwa mongpu Parliament ya December 22 nü tembangtsü.

Telangana nung IAF pilot 2 Pilatus tayimtsü tsükokba lendong nung asü

New Delhi, December 04 (Agencies): Hombarnep Telangana nung Medak district Air Force academy nungi training agiba tayimtsü ka apusoba sülen mapang tatsüka tsüingda tsükokba lendong nung pilot ana süogo.

Pilot anaji ka instructor aser ka cadet liasü, ta IAF ketdangsertemi metetdaksü.

"Tanep AFA nungi Pilatus PC 7 Mk II trainer tayimtsü ka apusoba sülen tsükok. Iba lendong nung pilot anaprongla taküm mekümzüktetsüsa yiru, ta IAF-i kanga sasaa sangdonger," ta Indian Air Force (IAF) sangdong ka

ajanga metetdaksü.

Iba lendong atalokba kuli bushisüingdangtsü atema tuyuogo, ta IAF-isa metetdaksü.

Pilatus PC 7 Mk II tayimtsü ya engine ka dang keta aliba tayimtsü lir, kong IAF pilot temi basic training agir.

Defence Minister Rajnath Singh-i takoksa angur kibongtem den mangyim jashi lemsatepogo.

"Hyderabad anasa lendong atalokba osang angashia jashir. Iba lendong nung pilot ana asüba atema kanga sasar. Iba ama mapang ka nung ni mangyimer kibongtem atema sarasademtsür," ta Defence Minister-i metetdaksü.

Gujarat kübok Kheda nung aket mozü ajemba ajanga nisung 6 asü

Surat, Luchii/December 04 (Agencies): Gujarat state kübok Kheda nung aket mozü ajemba agi nisung trok asü, aser iba ken o dak sendakba nung nisung tenet puogo, ta police-i metetdaksü.

Police-i iba tatalokba dak sendakba nung Surat nung

tesem tenet mita aoba mapang nung aket mozü pongdang 2,195 puogo.

DCP, SOG Surat, Rajdeep Nakum-i, "Kheda nung Ayurvedic aket mozü ajemba agi nisung trok asüba sülen Ayurvedic aket mozü ayokertem aputsü atema state tesem ajaklen police yoka liasü. Mita aoba ajanga Surat Police indang Special Operation Group-i takok tulu nguogo. Police-i Surat nung aket mozü pongdang 2,195 puogo," ta metetdaksü.

Police ketdangsertemi, Godadra nung nisung ka apu, Kapodra nung nisung ana apu, Varachha nunga nisung ana, Poona nung ka aser Amroli area nunga nisung ka puogo, ta metetdaksü.

"Iba aket mozü pongdang nung aliba 'alcohol' ji bushisüingdangtsü. FSL report anguba sülen police-i bushisüingdang tenzüksü," ta DCP Nakum-isa metetdaksü.

24TH Hornbill Festival 2023 DAY 5

MORNING - 10:00 AM

HOST
SHRI. P. PAIWANG KONYAK
MINISTER
HEALTH AND FAMILY WELFARE

CO-HOST
SHRI. MOATOSHI LONGKUMER
ADVISOR
LABOUR, EMPLOYMENT & SKILL DEVELOPMENT & EXCISE

CHIEF GUEST
LT. GEN. SANJAY MALIK
GOC 101 AREA

TRIBAL GUEST
SHRI. AWANG JONGWANG
KONYAK

AFTERNOON - 1:00 PM

HOST
SHRI. METSUBO JAMIR
MINISTER
RURAL DEVELOPMENT & SIRD

CO-HOST
SHRI. KONNGAM KONYAK
ADVISOR
TREASURIES & ACCOUNTS & ART & CULTURE

HONOURED GUEST
SHRI. VIANNEY RUANGMEI
CO FOUNDER, LIAMTRA

SCAN FOR HORNBILL SCHEDULE

बैंक ऑफ बड़ौदा Bank of Baroda

KOHIMA BRANCH
Main Bazar Road, Near Old Taxi Stand, Kohima- 797001
Email: Kohima@bankofbaroda.co.in

Kiojen ayoktsü atema Sale Notice
APPENDIX- IV-A [See proviso to Rule 6 (2) & 8 (6)]

Securitisation and Reconstruction of Financial Assets and Enforcement of Security Interest Act, 2002 aser Rule 6 (2) 8 (6) of the Security Interest (Enforcement) Rules, 2002 kübok kiojen ayoktsü atema E-Auction Sale Notice.

Public asertalisa sen apur(tem), Mortgagor (tem) aser Guarantor (tem) nem iba sangdong agütsür, Secured Creditor dang mortgage/charge asüba tsüinglanglen shia aliba kiojen State Bank Of India nung Authorized Officer-i agiadokogo, aser iba kiojenji "Kong koma ali", "Koma lidir yamaji" aser "Yangji aliba ajak" tsüinglanglen shia aliba account/s nungi sentsüh alangzüksü atema ayoktsü. Sen apur(tem)/Mortgagor (tem)/Guarantor(tem)/alangzüka aliba kiojentem/ sentsüh/Reserve Price/e-Auction anogo aser mapang, EMD aser Bid Increase Amount tsüinglanglen metetdaksür-

Sl/ Lot No.	Name & address of Borrower/s / Guarantor/ Mortgagors	Short description of the immovable property	Total Dues	Date of E-Auction, Time of E-Auction, Start Time to End Time	1. Reserve Price 2. Earnest Money Deposit (EMD) 3. Bid Increase Amount	Status of Possession (Constructive/ Physical)	Property Inspection Date & Time
1.	Mr. Hyungwalo Jeshing Rengma, R/o- H. No. E/A-1/01, Agri Colony, Opp. Stella Higher Secondary School, Kohima, 797001, Mr. Kewetso Mero (Guarantor) New Minister Hill, Kohima- 797001.	Land and building measuring 1500 Sq.ft covered by Patta No. 8364 (New), Plot No. 5531 situated at Agri Colony, Kohima, District Kohima, Nagaland standing in the name of Mr. Hyungwalo Jeshing Rengma. Bounded : On the North by: Property of Seyiekhoh Angami, On the South by: Property of Hyungwalo Jeshing, On the East by: Nullah, On the West by: Property of Seyiekhoh Angami.	Rs. 1,98,87,471.60/- (Rupees One Crore Ninety Eight Lakhs Eighty Seven Thousand Four Hundred Seventy One and Sixty Paise) and interest and other charges thereon w.e.f 30.07.2022.	Date: 20.12.2023 , Start Time: 01.00 pm End Time: 03.00 pm	1. Reserve Price: Rs. 3,90,00,000.00 2. Earnest Money Deposit: Rs. 39,00,000.00 3. Bid Increase Amount: Rs. 10,000/-	Physical Possession	18.12.2023 at 1.30 P.M.

Iba kiojen ayoktsü telatbatem tejangja metetpelatsü atema yimlibilema website link <https://www.bankofbaroda.in/e-auction.htm> and <https://ibapi.in> nung repringang. Iba dak alia bid asütsüpertemi Authorised Officer den Mobile No: **81199 22922** ajanga tongteprateptsü akok.

Mr. K H Zhimo
Authorised Officer
Bank of Baroda

Date: 05.12.2023
Place: Kohima



TIR YIMYIM YIMOBILEM (EDITORIAL)

DIMAPUR

SANGTENNÜ

LUCHII 05, 2023

BJP takok o Congress tamakok na

Tawa state 5 nung election agiba nung BJP teloki tongtibang aser state tulu asem Rajasthan, Madhya Pradesh aser Chhattisgarh nung takok angubaji, atangji, taruba küm Lok sabha election atema kanga tongtibang tamendakdak ka kümogo. Ajisüaka, ano shitakba nungbo tang nübortemi jembibajibo BJP teloki anguba takok dang nungibo Congress teloki anguba tamakok indangang süoki taiba ia jembir. Tetezü, nisung aikati item state-tem nungji Congress telokiang takok angutsü ama bilema liasü südi. Item purtem asoshi Congress tamakokji BJP takok dang nungia kanga agia tuluba lir. Ibaji Congress asoshi teshisangdangtsü aser talila teinyaktsü khuret tuluka kümogo. Atangji, Congress telok ya India yimten nüchiso bener aruba telok aser linük nüchiso nguli nungi yimsüsüyonga aruba taoba alima aso songtema yimsü süogo. Iba jagi peisasa ulua bilemer südi. Ajisüaka, tanübo Congress telok ya pongdang dang ashi yibo balala aser nisungtem asoshi pongdangji masü yiji dang nungdaker. Aji oda, tanü Congress nung Jawaharlal Nehru, Indira Gandhi aser Rajiv Gandhi mali, anungji tanü Congress nung alirtemi akhi Nehru aser Gandhi nung aliba kasa Congress telok amato mebilemtsüla. Atangji, tanüa Congress telok nung Gandhi asembo lir saka Gandhi asem jagi par tsürabur Gandhi ka ta madoksa. Iba tashi aser tensa tiaji parnokki rajemlasang Gandhi-i masü tangar nem lenisüba tashi aser maongka agütsüla aser Congress telok kijai masü tangar opposition teloktem den külemi longjemer election tongpang nung nokdakla. Ajisüaka, Congress dak tashimait kaji tang tashi parnokki parnok kisüngi talok angutsü amai bilemer, iba yongji tanga opposition teloktem longjemer INDIA telok tenteta liaka, INDIA telok masü Congress telok kija külen ser election tongpang nung nokdakba agi tamakok angu südi. Atangji, BJP telokia nübortemi temulung asütsüsa mapa tajung inyaka alitsü, ajisüaka tang BJP teloki takok angubaji BJP ajungba aser BJP aginüba kija agi masü saka Congress melongjema aser Congress asükümba agi temoatsüji BJP telok dangi ao asütsü südi. Ano, Congress telok dak tashi mait kaji, akhi Congress memesük linük aser nübortem asoshi shisa aser sentong tasen kecha maka, tejembiba ajunga agi BJP majung, BJP majungba indang dang jembiba agi nübortemi Congress lenirtem dak teimla tajung mangur. Yimten nung telok kati telok ka majung jembitsübaji yimya dang, anungji nübortem asoshi yimten teloki kechi pi indang majung jembir ta asübaji masü saka kechi tajung aser tagitsü jembir ta asübajiang tongtibang lir. Aji oda, tarutsü nung Congress teloki India asoshi kechi inyaktsütsü bilemer ta asübaji India nung asoshi tongtibang asütsü. Joko, Congress telok kijai yimsüsüba putu to süiogo ta Congress teloki angatet nung junger aser lai anir aotsüba masü saka khen ajemalushir tangar sülen anidaktsü tangatetba alitsüla. Congress telok asoshi ibai tangar nem yaridaktsütsüba mapang masü saka parnokiang tangar yaritsüba mapang lir. India nungertemi election nung shilem agiba yimya ya balaka, state aika nung assembly nung telok ka nem yimsüsütsü maongka agütsütsü aser ano parliament nung amentsü asoshiho tangar telok ka nem maongka agütsütsü ta paiteper, anungji assembly election nung anguba takok jagi parliamentary election nunga kasa teloki takok angutsü ta mali. Atangji, assembly election nung takok anguba ajanga Rajya sabha nungbo menden teimba angutsü, iba tajangzükjia tulu lir. Ibaji meteta tangatetter nübor alidakbo yimten telok ka nem Lok sabha aser Rajya sabha na prongla mamokbangdaktsütsü atema pei state nung yimsü asüba telok nem parliamentary election nungbo vote magütsür. Asenok asoshiho ibaji meyipteper agitsü, kechiyong asenokbo center nung kechi teloki government kümdir, state nunga iba telokki akümer. Asenokbo tangar ama masü, nükjidong ka dang lir, aji kodaser center nungi sen teimba angutsü aser idak nung jagi mapa meinyak ser sen kwika agizüka agitetsü (?) ta asüba nung vote enoktsür ! Aji koda ?

OLEMSABANG

Temulunger Sepai

P. Renthly Jamir

Iba ocet ya ni Ao Ken No 342 nung ajemdaker zülur. Yangi onük Yisu Asoshi Temulunger Sepai metenzükdang okila Sepai ka indang tama shinür. Küm 1947 onok yimyak mezüng India Sepai Shimdang nisung asem meshiba tuonür mali kin shitepa nisung asemji shim. Saka Kati Doctor nungi unfit certificate meshir mao. Jamir ka Longkumer ka ta ao. Tasüi aor ama jebtepa senshi.

Kechiyong tanü NAP Constable ka atema Sen Lakh 7 meshiba ama ya masüba putu liasü. Anungji 1962 China War nung India nung Sepai Brigade rangben oset ajak toktsür paktitsü alonger ama ajen, aser China nung injang kata meyoki India lushi tuluka atsüngtet . Sepai kaji kin kidong shitepa lottery sair, aoba masütsüla. Naga nung nüchiso bushiba Wadang kechiba tamakok angu. Linük tenzüktsü Sepai tuonür mali kin shitepa shimer yok. Ano tesülenbo Force agi pua bener oa inyakdaktsü . Anungji Naga Army Jena oli senchi tulu meshili ta yimyak kimunglumug ajak item sentsüh aotsü yokma. Kar tanüngertem jagi nübur Kilen Saru sarua aliba hadir ajak bener adoka India nung dang sen yong ayok. Kechiyong Sepai kaji Temulunger Sepai asütsü tim.

Tang Yisu Asoshi Temulunger Sepai onük dangi arudi. Asenok ajak ya Yisu Asoshi Temulunger Sepai ka ka lir . Kechiaser asenoki yangji shilem agitsü mulungteta shim anungji talangka nung mamangba pur lima meyirijang jenti samadagi ta ken tena angashi nunga asenok temulung mepelar Alima balala nung nisung tanak temesüng balala liaka Khristan ta süra pei adianu ama bilemer . Parnok reshikangshiba angashia Sarasademtsür. Yamaji alima ajaklen tanü khristantemi mapa tulu inyaka shi aser tanela nung Sama-a aliba nüburtem yarir. Yisu Asoshi Temulunger Sepai pei taküm bendanga agütsür pastor Sayutsüngir arogo nung toklang tenzükker jenti lir. Aji dang masü arogo ajaayanger tetemsü Dikontem aika lir. Tanu asen putu ya nübur tsüngda tesempatep Kati ka majinüba oda nisungi pei temelijia ya kü indang ta meshitetba putu ta ashir.

Nisungi pei taküm dangbo sen tali temeimba. Tang asen India lima Modi government arur yimsüsür ruling party opposition party ajaki O tajung kata mejembir lutsüteper koba O tamajungtem agi linük dangi atakatem bener arutsür. Yamaji linük tenzükker tsüngda O tamajung shitepa zülutepeba asenoki angur. Council of Nagalim Churches general Secretary Rev Seksim Kasari züluba nunga It is true we have hurt each other on account of exchanging unsavoury words. Iba O ya pai WC-NNPG leaders dangi züluba 3-7-2023 nung angur. Yamaji arogo tokolak Reverend tema item nung shilem agia jembiba züluba tensa tamajung nung asenok alir. India Sepai shimba aser Naga Army shimba nung tamakok anguba ama masü saka Yisu asoshi temulunger Sepaitembo takoker ka, ka asütsü tanü teraksa putu den koda raratsü shisadangdi.

Nüngja den mapet wadang nung satoka inyaker kar tuteta sayur Arogo tenzükker Temulunger Sepai asüyonga ali meimchir dang asünung tepok tazüng remsa zür inyaktsü masü. Ano aibelentsü meimchir yimya Anungji tamakoka ajurutsü aibelena inyaksemtsü Temulunger Sepai kaji nübur tenzüktsü asoshi tenük tenarong shitak temang tashi tait alinung dang Sepai mapa inyaktet. Saka tanü arogo nung tenzükker Pastor Dikon aikati nüburi alakyonga sodi memeshir.

Roman Catholic Arogo nung tuluba Pope inyaka arur küm 1415 A.D nungi tenzükba kum 600 tashi shingaia ni mapa makoker ta sür sodi memeshi. Kechiyong Pope ya alima Chubatem dang tuluba aser Jangra tatamba alir. Saka parnok rongnung Pope Benedick XVI pa arishi küm 85 nung ni mapa meinyakteter ta 28-2-2013 sodi meshi. Paibo Pope mapa inyakdang Apostolic Palace nung alitsü memulung saka Bishoptem den külemi chiyunga ali. Aser teti sensaker meimtsü ashi (Do not forget the poor) meimchir shi agia alaker ango agia alaker, anungji teinyakertemi aji meteta inyaktsüla . Tazütsü Sodibo meshi saka tenzükker kar sota yur kipok ki sema odaktsübaji majung ta bilemer. Yisu asoshi temulunger Sepai kaji India Sepai ama tamalen Naga Army ama masütsüla.

Tatidang arudang aji koktetsüla Yisu asoshi temulunger Sepaibo injang agi matidangtsü lisü agi mesüra tazükba agi matidangtsü. Saka tetsübuttsü sen meimba peisasa meimba agi atidangtsü. India nung 2006 nungi government tenzükker ita sen anüngdak ajungketa yutsü. Election nung sen anak ama apar, 28-2-2008 anogo nung Changtongya SDO(c) office nung political party ajak nungi Election atema meeting ka jatep. Idangji retired tesayur ka mission kibura inyaker Dikon-a inyaker aser dang party ka nung kimen inyaker pa jia aru shin O nungbo putir khen inyakra pa Teti atema Putir ta shia lir. Pastortem aikati ita sen agi tenük masüng nungnünger aser tenla kidang Alushijak aser Labunarotema Pai mesür ta pai sayuba tazüngla kümdaktsür.

(Maneni asüng adok nung...)

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Dimapur nung Interdenominational Crusade ka ayongzüker



December 04, 2023 nikonngdang DDSC Stadium, Dimapur nung Interdenomination Crusade Organising Committee Convenor, Rokopra Mekro aser Secretary Kikruneinuo Liezietsu na den tangartem tangokba noksa nung angur.

Dimapur, Luchii/December 04 (TYO): Koinonia Baptist Church, Kohima-i December 5 nungi December 10 tashi DDSC Stadium, Dimapur nung Interdenomination Crusade-tanela asentenshi aser temoatsü crusade ayongzüker, ta metetdaksü.

Iba crusade ya "Shishiang aser pelatepang... Aser Kibuba sentsüwangshi nenok dak alitsü" (Isaia 60:1) omen nung ajemdaker akatsü.

Iba crusade nung tongti o jembirtemji: Rev Zotuo Kiewhuo (Kohima Bible College Principal aser Koinonia Baptist Church tentetsang pastor), Samuel Sengupta (Pastor Atmik Jeevan Church), Medotsilieue Kiewhuo (Pastor Koinonia Baptist Church), Rokopra Mekro (Pastor

Koinonia Prayer Centre) aser Neibalie Kiewhuo (Pastor Koinonia Baptist Church) nunger asütsü.

Iba crusade ya nikonngdang shia 4:00 ako nungi tenzüksü aser December 10 anepdang 10:00 ako nung sentong ka aser nikonngdang 4:00 ako nungia sentong ka agia crusade tembangtsü.

Organizing Committee den külemi tamangertem, sentong nungitertem, Dimapur, Nuiland, Chümoukedima nung alirtem aser Assam nungi tejangrar ajak iba sentong nung adentsü jaoker, kong asenoki Yisu Khrista aser tanela temeshi ajanga Tsüngrem chirtem atema mapa tulu inyaksü, ta onoki amanger, ta sentong ayongertemi metetdaksü.

Organising committee aser

Koinonia Baptist Church-isa yimsü balala amangertem aser denomination balala nungi ajak pelashishia jaoker. Item sentong ya English aser Nagamese naprongla ajanga agitsü aser Koinonia Baptist Church indang YouTube channel nunga sentong tagidak (live) sayutsü, ta metetdaksüogo.

Tsüngrem temeim aser tanela temeshi mapa inyakba ajanga chichiba tepela ajangshitsü nükjidong nung iba crusade ya Khristmas benjung mongpu ka nung ayongzüker, ta parnokisa metetdaksü.

Crusade metembang tashi anogo shia nikonngdang 2:30 nungi counselors aser sarasademertem -a ajurua parnok teyari agitettsü, ta parnokisa metetdaksüogo.

UK nung narongjaker Khristantemi Khristmas carol lenitsü

December 04, 2023: United Kingdom nung Khristan denomination pongui December 10, Amongnü Khristmas Carol sentong ka ayongzükerogo aser iba sentongji narongjaker Khristantemi lenitsü, ta osang ka ajanga metetdaksü.

Carol sentongji denomination balala indang Facebook Pages aser YouTube Channels nung ayongzüka agitsü, aser iba sentong nungji nisung meyirjang aika adentsü imlar.

Christian BSL Carol Service omenji "The Magi" asütsü aser iba sentong ya December 10 anepdang 9:00 ako nungi tenzüksü. December 10, 2023 anogo ya Advent Khristmas tanabuba Amongnü lir.

United Kingdom nung iba sentong ayongzükerba denomination pongui Church of England, Church of Scotland, Church in Wales, Methodist Church of Great Britain aser Baptist Union of Great Britain (Baptists Together) lir.

Iba sentong ya narongjaker Khristantemi British Sign Language (BSL) agi lenitsü, aser iba nükjidong ya oshi-oben aser sobaliba balala sendakteptsütsü nükjidong nung lir aser ajak longjemmer Khristmas otsü sangdongtsü atema lir.

British Sign Language (BSL) memetetertem atema English oshi nung sayatsü, koba ajanga ajaki iba sentong nung shilem agitettsü.

Carol sentong lenitsü pur Deaf Christians teams ji- Helen Cottingham, Tony Hawkins, Fatimo O Olubakin, Mary-Jayne Russell de Clifford, Veronica Stewart-Holmes aser Janice Silo nunger lir.

Denominations balala den longjemmer iba sentong ayongzükerba organization-ChristianBSL.com nungi Tom Pearson-i, "Iba sentong tangokba ajanga iba ya tamangertem longjemmer Khristmas amongtsü atema maongka tajung, ta jangjar. UK nung tongti Khristan

denominations pongui kasa anogo aser kasa mapang nung Christian BSL Carol Service atema longjemtsü melungba atema pelar," ta metetdaksü.

Tim Pearson-isa, "Khristmas otsü ya ajak atema kasa, koba ajanga oshi-oben aser tesem ajak ayimjemmer. Onoki ayongzükerba sentong nung British Sign Language ajanga Khristmas osang- teimla aser tepela sangdongtsü," ta metetdaksü.

Methodist Arogo nung Digital Engagement Director, Ben Hollebon-i, "Iba ya onok atema maongka tajung, kechiyong Methodist Arogoia iba ama sentong pusemer, talisa UK nung tanga denominations-ia shilem agir," ta metetdaksü.

"Iba ama sentong ayongzükerba atema onoki Christian BSL dang kanga pelar," ta paisa shisem.

UK aser alima tesem balala nungi ajaki online ajanga Christian BSL Carol Service nung dentettsü.

ANOGO ABEN TSÜNGREM DEN

Sempettem Tamachiang Süang

1 Korinth 16:1, 2

Ali nung ne rongsen terizüng. Mathi 6:19 "Rongsentem nung tashikang tena lir". Iba shin O putu shiai angateta lir. Nisungtemi parnok tejenokdak asoshi bushir aser kecha teti aliba mali ta bushiteter. Pela alitsü atema mesüra anogo shia nungdak asoshi sen yakta endokmar. Nisungtemi parnok sen rizünga ayur, bank nung ayur mesüra telemlök agia tangar nem aputsür. Hon taribi mesüra senchi süngden nung rizünga ayur. Aji saka alima nung rongsen kümzükdak mali. Oset jenjang atur aser shishilembaba nung tamakok angur. Bank kishi shibanger aser mi aser tzümetsüng agi ali aser ki jenjang raksatsür.

Nisung kati süoshi magütsü, suit jenjang tasak ishika ali. Pai aji tarütsüi meraksadaktsütsüsa süngden ka nung rizünga ayu. Ita terok tsüngda nung pa temang kanga ulua kümadok. Pai aretena ayuba suitu kata magitetti aküm. Asenoki asen rongsen kanga junga rizünga ayutsü akok saka mapang aser tasüba - ajak rongnung tesangratiba auer kiburji bener oadoker. Asenoki asenok anogotem tenzükerba ama atemer - kecha makai - kecha bener maru - kecha bener moatsü!

Khristan shibai, Khrista temeim ajanga Kibuba tsütsü agütsüner aser mapang sempet aser rongsen rizünger aser iba nung teti taküm angur pa/la koda shisa takaba!

Kibuba Yisu, teti taküm asoshi rizüngba rongsen lir ta onoki ayutsü angatettsü yariang. Amen.

Sri Lanka nung CID-i Evangelical pastor ka apu

December 04, 2023: Sri aitsü.

Lanka nunger linük temzüng ka kübok Evangelical pastor ka apuba sülen linük nung Evangelical Arogotem tentet kati, iba ya sensotemi pei tebilemba sadema jembiba temeden anema inyakba lir, ta aitsüogo.

December 1, 2023 nü Criminal Investigation Department (CID)-i Pastor, Jerome Fernando apu.

Taküm May ita nung pastor Fernando-i, Buddha-ia Yisu bushia liasü, ta jembiba sülen Buddhist nütsüng teimba aliba linük nung aika jashidakja liasü.

December 2 nü National Christian Evangelical Alliance of Sri Lanka (NCEASL)-i sangdong ka ajanga, "Pa apuba ajanga pei tebilemba sadema jembiba temeden magizüktetba tali bulua akümba sayur; iba ya tebilemstü onük ka lir," ta metetdaksü.

NCEASL nung ya denominations, seminaries aser para-church organizations 200 dak tema lir. Sri Lanka nung tang tashi International Covenant on Civil and Political Rights (ICCPR) Act kübok Arlla 3 amshiba atema parnoki sorkar

Sri Lanka nung iba ozüng ya 2007 küm benoka liasü.

Fernando-i sayutsüngiba mapang nung tesempa o jembiba den külemi Buddha mezüngmeshiogo, ta police otongdar aser Senior Superintendent of Police, Nihal Thaldüwa-i metetdaksü.

Okadak ken o jembidang pastor Fernando atema ken o jembitsür, Anura Maddagoda-i, pastor-i iba oji par Arogo Tenla ki telung nung ang jembiba, anungji ibaji yimsü tsütsü tesempa o jembiba masü, ta ashi.

Ajisüaka Colombo Fort Court nung obendangeri, ICCPR Act nung Arlla 3 kübok aibelener ka bail nung chiochtsü atema magistrate nem tashi agüja mali, ta metetdaksü. Fernando ya Glorious Church nung pastor lir aser iba Tenla kidang nisung 5,000 dak tema asemer.

NCEASL-i ketdangsertem dang Pastor Jerome Fernando anema benoka aliba ken o agentsü takhangba agütsüba den külemi linük nung senso ajaki pei tebilemba sadema jembitettsüsa temeden agütsütsüla, ta metetdaksü.

**AO OSHI ANGAZÜKDAK:
TANÜ ANGAZÜKTSÜBA OJANG**



Sensen

(v) tsübua bilem, arendak (doubt)
* Taküm benjong ayongzüktsübo sensena bilemer.

Senshi

(v) lokti senden tembanger nisungtem aoba (disperse)
* Tanü senden nung telok ajaki sarasademer senshi.

OLONG PAITEP # 6634

15x15 crossword grid with numbers 1-16 indicating starting points for clues.

TIPIEN

- 1. Ajurunüa bilem - (8)
- 6. Ozü ka tenüng - (4)
- 7. Mi apudak - (6)
- 8. Taluposa / Jenti - (4)
- 11. Mangmang - (4)
- 14. Atangji masü - (6)
- 16. Ashibangba - (8)

LANGTSÜNGLEN

- 1. Tembar - (7)
- 2. Tetsü tepok nung tanur meyibangba - (5)
- 3. Meimchir - (6)
- 4. Ajungbena tsübua ait - (5)
- 5. Teki - (5)
- 9. Atsük tapu ka - (7)
- 10. Tekangshi / Touashi - (6)
- 12. Saklok - (5)
- 13. Meshirang / Temang junga aliba - (5)
- 15. Arameso - (5)

OLONG PAITEP # 6633 TELANGZÜBA

TIPIEN:

- 1. Lemsä, 3. Osang, 5. Mezüng, 6. Agi, 7. Süra, 8. Tebutem, 9. Amen, 12. Odi, 13. Asayar, 14. Angsü, 15. Agima

LANGTSÜNGLEN:

- 1. Lamén, 2. Sangken, 3. Omen, 4. Asüngküm, 7. Sendong, 8. Tejang, 10. Tanga, 11. Tazü.

NAI-A YA METETTER MA



Mapang ka nungbo US lima nung mail ajanga tila tanur tem tesem ka nungi kati yoktsüji ozüngi melaa liasü. Tila tanur anir tanur jajatsüji onsara tezüpabo masü nungji 1900s tetenzüklen nisung kari olioradang pei chirnurji parcel post ajangasa yok. Tanurji postmen-isa anir arutsü saka tesülen iba maparenji anendaktsü.

APSC ken o atema APS officer Sukanya Das apu

Guwahati, December 4, 2023 (Agencies): Assam Public Service Commission (APSC) sen yong mapa ayokba ken o dak sendakba nung police-i APS officer Sukanya Das puogo.

Assam Police-i Sukanya Das dang December 1, 2023 nü Special Investigation Team (SIT) tsüngdangi arutsü jaok aser la dang asüngdangya asüdang lai aibelenba kulitem

La ya Guwahati nung ADCP mapa inyaka liasü aser Hombarnü Assam police-i la apu.

BK Sharma Commission report nung ketdangsür 34 shia aliba rongnung la dena lir.

2013 aser 2014 nung tim masüba inyakyim ajanga mapa nung shimok ta tai tonglokja alir ketdangsür 21 tashi mapa nungi anentsüba sülen la puogo.

Mapa nungi anentsüba ketdangsürtemji Assam Police Service (APS) 11, Assam Civil Service (ASC) 4, Excise Inspector 1, ARCS officer 1 aser Assistant Employment Officers 3 lir.

Parnoki APSC nung taoba Chairman Rakesh Paul nem süpokrem agütsüba sülen mapa angu ta SIT tsüngdang nangzükogo ta osang angazüker.

NSCN (K)-i Longding nung yimtsüng tanishir 2 pur ao

Itanagar, December 4, 2023 (Agencies): NSCN (K) indang Ang Mai teloki Longding district nung village chief aser Gaon Bura (GB) ka pur ogo. Saru magütsüba atema tena pur ao ta osang angazüker.

“Telungpur 15 shi kati Chop yimtsüng nung village headman Chopkhu Gangsa aser GB Chijgsan Wangham na tashiyim agi pur Myanmar leni ao” ta Longding Deputy Superintendent of Police (DSP) Banghang Tangjang-i ashi.

NSCN (K) Ang Mai teloki Rs 50,000 tax meshiba magütsüba atema tena pur ao ta DSP Tangjang-i ashi.

Police aser Assam Rifles dena ozüng amertemi tena tsüngsü putettsü aser kümzüktsü atema maparen tenzükogo ta paisa ashi.

NSCN (K-YA) telungpurtemi November 16 nü mapa inyaker ana pur aoba sülen Longding district nung iba ya ano atalokogo.

NSCN (K-YA)-i junior engineer Shashank Yadav aser

supervisor Liamgao Pansa na pur ao. Tena ya Border Roads Task Force (BRTF) project nung contractor ka atema mapa inyakerem lir aser November 28 nü chiokogo.

Longding district nungsa October 29 nü Katwang Wangham (village chief) aser Wangtai Wangsu na NSCN (K-YA) telungpurtemi pur ao liasü.

Iba mapang tena chioktsü Rs 60 lakhs meshi aser hopta ana shi lir külen November 9 nü tena chiok.

Himanta den ajurutepe arrtsü onük jembitsü: Lalduhoma

Aizawl, December 4, 2023 (Agencies): Mizoram nung MNF party madak takok tulu anguba sülen ZPM tekolak Lalduhoma-i Assam den arrtsü ken o angatetteptsü indang

jembio. Lalduhoma-i Assam Chief Minister Himanta Biswa Sarma den ajuruteper Assam-Mizoram arrtsü atema jembitsü ta ashi.

“Ni Assam CM Himanta Biswa Sarma den kija ajuruteptsü aser olemteptsü. ZPM sorkar mapang Assam-Mizoram arrtsü atema lendong mataloktsü imlar” ta paisa ashi.

Meghalaya tsür Rachel-i Miss Hornbill International 2023 angu



Dimapur, December 4, 2023 (Agencies): Meghalaya tsür Rachel Rimeika Jyrwa-i Miss Hornbill International 2023 takok nguogo.

Honibarnü Capital Cultural Hall, Kohima nung tetoktepeba agidang Rachel-i takok korang angu.

Miss International Hornbill Rachel-i Rs 2 lakh senpet den tanga sempet balala agizük.

Arunachal Pradesh nungi Mossang Tanusa Gogoi-i tanabuba jenjang aser Nagaland nungi Vezotolu Shijoh-i tasembuba jenjang takok angu.

Mossang Tanusa Gogoi-i Rs 1.50 lakh aser Vezotolu Shijoh-i Rs 1 lakh senpettem angu.

Rachel ya Synod College, Shillong nungi BA English kaketshir ka lir aser lai takok korang dang masü saka Miss

Beautiful Smile aser Best Evening Gown takoktem ngua liasü.

Rachel ya Mawlai, Shillong nung alir aser lai fashion o modelling kanga janrar. Miss Shillong 2023 nung lai First Runner's Up takok ngua liasü aser Miss Hornbill International 2023 takok anguba sülen lai Vogue Nagaland den one-year contract atema sign süteptsü. Iba tetoktepeba ya Vogue Entertainment Nagaland ajanga ayongzük aser tetokteper ajak agi tetsür 14 liasü.

Parnokji Bagmita Saikia (Assam), Babli Biswakarma (Arunachal Pradesh), Julie Zhimomi (Nagaland), Ajano Kithan (Nagaland), Puspita Murasing (Tripura), Eileen Mercy D Nongrum (Meghalaya), Isha Lalhriatrengi

(Mizoram), Manila Dhakal (Nepal), Lunsola T (Nagaland), Tojir Nyori (Arunachal Pradesh) aser Eulaila A Malngiang (Meghalaya) nungger liasü.

- Subtitle awards:
- Miss Beautiful Smile: Rachel Rimeika Jyrwa (Meghalaya)
- Miss Congenial: Tojir Nyori (Arunachal Pradesh)
- Miss Talented: Vezotolu Shijoh (Nagaland)
- People's Choice: Isha Lalhriatrengi (Mizoram)
- Best Ramp Walk: Eileen Mercy D Nongrum (Meghalaya)
- Best National Custom: Bagmita Saikia (Assam)
- Miss Perfect 10th: Vezotolu Shijoh (Nagaland)
- Best Evening Gown: Rachel Rimeika Jyrwa (Meghalaya).

Indonesia volcano lendong nung nisung 11 asü

Jakarta, Luchii/December 4 (Agencies): Indonesia kübok West Sumatr nung Deobarnü Marapi tenem nung volcano pokteta adokba sülen tenemi atur 11 Hombarnü sür lia ngutetogo, ta teküzmükba maparen balala inyaker ketdangsürtemi ashiba den anisung 12 samar bushidar saka lendong keta aliba ajanga khen atema anena lir, ta shisem.

Hombarnü tasü mang 11 den nisung asem taküm lia ngutetogo. Volcano adokba mapang nisung 75 tashi iba tenem nung liasü, ta search and rescue team otongdar Jodi Haryawan-i ashi.

Deobarnü meter 2,891 (9,485 ft) pokteta tuguba volcano ajanga tenem temeket nung km 3 tashi mitzü agi sünga liasü.

Ketdangsürtemi tekümdangtsü metetdaksür liasü aser tenem nungi km 3 telongtet nung senzäsenpong masütsü tenokdangba agütsür liasü.

Video ajanga volcano adokba mapang mokozü agi anüing asünga aser gari aser lenmangtem ajak mitzü agi nembanger aliba sayuogo.

Kasa mapang nung Hombarnü ano volcano tilaka pokteta adokba ajanga teküzmükba maparen balala inyaka aliba khen atema anena atatsüsa aküm, ta Jodi-i ashi.

Israel-i nüburtem ainshitsü tuyu, tesem tuluba nung amaker

Tel Aviv, Luchii/December 04 (Agencies): Israel-i Palestine nunger dang ano tesem timba nungi ainshitsü totuyuba agütsüogo aser parnoki Gaza Strip nung bomb tali poklokja nisung aika tepseter.

Hombarnü Israel mitkar temi social media sapang X ajanga sangdong ka nung, Gaza civilian tem nem timtem agütsüba ajemtsü asoshi "safe areas" lateter, ta ashi. Ajisüaka Hokulbarnü nungi tenzükshia amakba nung Palestine nunger noklang aika tepsetogo aser civilian tem ya kong jenoktsür memetet.

Gaza nung aliba osangbener temi ashiba agi, asangsang nung parnoki (Israel) ashiba sülen anidaksü tasak, kechiaser yangi Israel nungeri mamaktsü ta temolung lema bilemba tesem kecha maka.

Hokulbarnü Israel-i map ka sayaba nung Gaza ya "evacuation zones" keta lemsatsü aser nüburtem dang pei kumzüksü asoshi parnoki sangdongba sülen anidaksü ashi. Ajisüaka grids 2,500 jungnüa aliba map uagi nisung aika mangmangdaksür aser ano külen internet aser electricity maliba ajanga osangtsüsang agiteptsü tasak. (Maneni tapak 8 nung...)

"Tang inyaksagshitsü kanga lendong lir," ta pai ashi.

Hombarnü iba tesem nungi tenemi atur 49 aninogo aser parnok aika temang ronger anepalua liasü, ta paisa shisem.

Marapi ya Sumatra asetkong nung ajak dang active tasüba volcano lir aser 1979 küm April ita pokteta adokba sülen

nisung 60 tashi süa liasü.

Taküma January aser February ita tsüingda iba volcano pokteta adoka tenem temeket nung meter 75 nung 1000 tsüingda mitzü agi sünga liasü.

Indonesia ya Pacific "Ring of Fire" nung amenoka lir aser idaki active volcanoes 127 lir ta volcanology agency-i ashi.

MULUNGNEN O



15.04.1958 - 28.11.2023

"Aser Tsüingrem meimerterem shirnok Pai mulungba ama ja-a lir, parnok tsüingdang mapa ajak külemi tajung asoshi inyakteper ta asenoki metet." - Rom 8:28.

Onoki teti dang meima aliba ojala asür **Lolenmongla** (Lirmen) shirangba mapang tatsüka nungi iba akhümi tembanger mangyim jashi khuret tulu agi sünger alidang kija, kibong, lokti aser Arogotem nungi nübu, rongsen, shisatsü aser aria bilemba temeim aser sarasadem agi ozü mulung sünepdakja asükhü mapang nungita yaritepogo nenok ajak dang ozü mulung taroktiba nungi kümremi pelaba lemsateper.

Onoki nenok tsüingdong tonga arua pelaba meshitetaka, nenok mapa tajung ozü kodanga mamadoktsü. Asen Teyanglur Tsüingremi nenok ajak moajang ta ozü sarasadem.

- Temeim Kinungbu, Chirnurtem, Semchirtem aser Kinungertem.

SITUATION VACANT

JUBILEE MEMORIAL SCHOOL (Affiliated to CISCE, New Delhi)
Salangtem Ward, Mokokchung, Nagaland

1. PGT (ENGLISH) - 1 Post.
2. PGT (MATHEMATICS) - 1 Post.
3. TGT (PHYSICS) - 2 Posts.
4. TGT (CHEMISTRY) - 2 Posts.
5. TGT (BIOLOGY) - 1 Post.

Sl.No	Minimum Qualification	Salary (Starting)
1.	M.A. (Linguistics/English) with B.Ed. from recognized universities/institutes.	Basic Pay ₹ 25,300/- + HRA and MA. NPS and Gratuity after regularization
2	M.Sc. (Mathematics) with B.Ed. from recognized universities/institutes.	Basic Pay ₹ 23,800/- +HRA and MA. NPS and Gratuity after regularization
3-5	Bachelor Degree with Honours in the relevant subject with B.Ed. from recognized universities/institutes.	Basic Pay ₹ 23,800/- +HRA and MA. NPS and Gratuity after regularization

DATE OF INTERVIEW: 14 December 2023, 8:00 A.M. at Jubilee Memorial School Complex. Interested candidates may apply with complete bio-data by 13th of December 2023. Please note that NO CALLING LETTERS WILL BE ISSUED separately. Candidates can send their Bio-data (Personal information) through e-mail: jmschoolna001@gmail.com

Contact: 0369-2226319

Sd/-
Principal
Jubilee Memorial School
Mokokchung, Nagaland

Sd/-
Chairman, BOG
Jubilee Memorial School
Mokokchung, Nagaland

MENUNGRA BILEMTETER



ASÜR AOKILEP (CHUCHUYIMLANG)

Onoki kodang amatoktsü makokba temeim Tsürabur tajung na onok nungi pilar küm ka (5th Dec. 2022) jungaka, onoki ne temeim tulu, ajemalu, taremsük shisatsü teti bilemteter aser kanga menungra bilemer. Iba lima nung onok asoshi na ama tsürabur tajung iba lima nung melika. Tematiba Tsüingremi ne tanüla teti teküzmükdak lidakjangma.

~ Temeim Kinungtsü, Chirnurtem, Semchirtem aser Kinungertem.

Office of the
Marepkong Youth Association
Mokokchung, Nagaland

TENÜNGSANG AGÜTSÜR

Marepkong Youth Association ajanga Wb. Lt. Imnatoshi aser Wt.Nungshilila jala Wt. Lipoksangla Jamir, Ungma yim nungi, NPSC -2/CTSE (Medical & Allied) 2023 tatidang nung Pharmacist Grade II under Health & Family Welfare Department nung takok nguteta konang nüngsang bener arutsüba atema tenüngsang tulu agütsür.

Maneni Tsüingremi ne taküm aser wadang tali moajangma.

Sd/-
Limatemjen, President

Sd/-
Zulusenla, General Secretary



FALCON CLUB MANGKOLEMBA

13th Open Volleyball Tournament under Nagaland

Organized by Falcon Club Mangkolemba
Date: 16th & 17 January 2024.

Venue: Public Ground Mangkolemba.

1. Champion Rs. 80,000 (Eighty Thousand)
2. Runners up Rs. 50,000 (Fifty Thousand)
3. Semi finalist loser Rs. 15,000 (Fifteen Thousand) each.

Individual Prizes to
Best Setter, Spiker and Best Player.

Registration Rs. 3,000.

Interested team/club/society is requested to
Contact: 9365307457/9612046693/9366605995

Philippines nung Catholic tekülemdak bomb pokloktsüba ISIL-i nangzükogo

Manila, Luchii/December 4 (Agencies): Philippines anüolentip nung Catholic pur tekülem sentep ka agia aliba mapang bomb pokdaktsüba ya ISIL (ISIS) puri nangzükogo. Iba lendong nung nisung pezü asü aser nisung ter dak tema yirua liasü.

Deobarnü bomb ya Marawi yimti nung Mindanao State University gymnasium ka nung pokdakja liasü, kong pro-ISIL züngsemtemi 2017 küm ita pongu tashi iba tesem sabanga ayu aser nisung 1000 dak tema tepseta liasü. "Caliphate indang

sepaitemi Marawi nung Khristan tem adenshir aliba tesem ka nung bomb pokdaktsü," ta ISIL-i Telegram ajanga ashi.

Philippine tir Ferdinand Marcos Jr-i iba tesem amakba aitsüogo.

Defence Secretary Gilberto Teodoro-i osangbenertem den sensaksema mapang iba lendong ya bendanger kari adokdaktsüba ta kuli agütsür, ta ashi.

United States State Department-ia iba tesem amakba aitsüogo aser Philippines nunger den külemi

parnokia iba tatalokba ya kecha tatsükdaksü matoktsü aitsür, ta ashi.

Philippine security tenüngbo mesangdonger," ta ketdangsürtemi ashiba agi, regional police tekolakba Allan Marawi yimti nungi km 200 shi Nobleza-i GMA News dang ashi. Mindanao ya linük anüolentiplen amenoka lir aser iba yimti aser Deobarnü iba tesem ya küm aika telungpurtemi amakba ya mang ayangba ka timtem agüja arudar.

Hombarnü police-i ashiba Manila-i 2014 km Moro Islamic Liberation Front den sendakba nung ken o dak Islamic Liberation Front den yimjung asoshi tenangüktepba sendaka alitsü ta temulung ka yanglu, ajisüaka ano telok melemi bilemer nisung ana tilatemi asetkong temeket tashi bushisüingdangdar. nung tesem balala maneni "Bushisüingdang nung maka arudar.

Open International Taekwondo C'ship nung Nagaland-i Medal 15 angur



Coach Visabiu Peseyie den manager aser medal angurtem tangokba noksa nung angur.

Kohima, Luchii/December 4 (TYO) : 3buba India Open International Taekwondo Championship nung Nagaland team-i medal 15 (gold-12, silver-1 aser bronze 2) nguogo. Iba asayamung ya New Delhi nung Talkatora Indoor Stadium nung Deobar nikongtsütsü tembangogo.

Peewee category nung David M (U-25 kg), Shiuthong (U-27 kg) aser Shiuthong (U-29 kg) nungeri gold medal angur. Sub junior

category nung Hatsukum (U-23 kg) aser Pauziechangbe Herie (U-45 kg) nati gold angur.

Cadet category nung Lensethong (U-41 kg) Wongpangthong (U-45 kg) nung gold medal angur. Junior category nung Manong AT Konyak (U-45 kg), N. Tenloi Phom (U-48 kg), T. Kiutsu (U-59 kg) aser Nnumhei (U-59 kg) nungeri gold medal angur.

Maneni senior category nung Hinglakpo-i U-54 kg nung gold medal angur.

Kasa mapang nungi Vilabizo Nagi-i (U-45 kg senior) silver medal angur aser P. Athongti (U-45 kg sub junior) aser Humuyo Chizo (U-35 freshers sub junior) nati bronze medal ngua liasü.

Team coach Visabiu Peseyie aser Keneingulie o Khrieto na manager liasü.

Anogo asem asayaba asayamung nung Egypt, Zimbabwe, Nepal, Republic of Congo aser India nungi asayartemi shilem agia liasü.

JWBC: Amisha, Prachi aser Hardik nungeri silver medal angur

Luchii/December 4, 2023 (Agencies): Yerevan, Armenia nung tang asaya aliba IBA Junior World Boxing Championships nung pei tata asaya final makokba sülen India nunger boxer Hardik Panwar (80kg), Amisha (54kg) aser Prachi Tokas (80+kg) nungeri silver medal ngutetogo.

80kg category final nung Asian junior champion Hardik-i 2-3 agi Russia nunger asayar Ashurov Bairamkhan tera agi dang makok.

Boxer anapronglai kanga aggressive süa asaya aser

points angutsü atema maongka anguba ajak agia liasü. Ajisüaka Russia nunger asayar yagi tera tajungba asayateta asaya akok.

Kasa mapang nung tetsür asaya nung Amisha aser Prachi naprongla final nung 0-5 agi tamakok ngua liasü.

Amisha ya Kazakhstan tsür Ayazhan Sydyk-i tsükdaktsü aser Prachi-a Asian junior championship anaben tashi koker aliba Uzbekistan tsür Sobirakhon Shakhobiddinova-i tsükdakja liasü.

Iba asayamung nung India nunger asayartemi medal 17 bo

nguatokogo, kong bronze medal pongu anguba densema lir.

Asayamung tatembangbuba anogo ano India nunger asayartem rongnungi Payal (48kg), Nisha (52kg), Vini (57kg), Shrushti (63kg), Akansha (70kg), Megha (80kg), Jatin (54kg), Sahil (75kg) aser Hemant (80+kg) nunger final asayatsü lir.

India nunger asayartem rongnungi Neha (46kg), Nidhi (66kg), Pari (50kg), Kritika (75kg) aser Sikandar (48kg) nunger semifinal nung tsükba sülen bronze medal nguogo.

Gold Coast nung Commonwealth Games masayatsü

Luchii/December 4, 2023 (Agencies): Commonwealth Games ayongzüka asayatsü asoshi bid sür aliba nungi Gold Coast atsünginogo aser iba ajanga Australia nung iba asayamung ayongzüka asayatsü timla makai kumogo.

Iba yimti nung 2018 kum Commonwealth Games ayongzüka asayaogo aser mayor Tom Tate-i parnoki ano tanaben iba asayamung ayongzüka asayatetsü ta shiogo.

Ajisüaka federal aser state sorkari iba asayamung ayongzüka asayatsü atema teyari magütsütsü ta aiben shiogo aser Tom indang deputy mayor-ia pa pumesemi liasü.

Asayamung ayongertemi ashiba agi, taruba Commonwealth Games ya thimentsü mesüra athitsü akok.

Commonwealth Games ya asaya aika asayaba asayamung ka lir, koba kum pezü nung khen

asayar. Iba asayamung ya World War Two mapang dang khen thia liasü. Asayamung nung British Empire kübok aliba linüktemi shilem agir.

Victoria-i iba asayamung ayongzüka asayatsü asoshi mulunga magizük tsüngda 2026 Games ayongzüka asayatsü atema Commonwealth Games Federation (CGF) tayonger monguteti timtema liasü ajisüaka Victoria-ia iba asayamung ayongzüka masayatetsü ta shiogo aser 2030 Games atema Canada nung Alberta province-i nangzüker aliba parnoka atsünginogo.

2026 mesüra 2030 Games ayongzüka asayatsü asoshi bid asür tejangja ka mali. Sorkari ashiba agi, asayamung ayongzüka asayatsü asoshi sen aika intoktsüsa akümer aser kasa mapang nung mongintemi ashiba agi, iba asayamung ya kangabo tapet masü kumogo.

Asayamung ayongertemi Victorian Games atema A\$2.6bn (£1.4bn; \$1.bn) intoktsü ta asatet ajisüaka sorkari ashiba agi, A\$6 bn dak tema intoktsü.

Tate-i ashiba agi, Gold Coast-i A\$700m intoka iba asayamung "streamlined" version ka ayongzüka asayatetsü ta shiogo aser Perth yimti den külemi ayongzüka asayatsü asoshi tebilemdangba ka benokdanga liasü.

Pai ashiba agi, pa sentong ajanga Australia nunger billionaire Gina Rinehart aser Gerry Harvey na aser asayartem atsüa aruogo, saka pai Queensland mesüra federal sorkar atsüa marutet.

Commonwealth Games Australia (CGA)-i iba asayamung ya Australia nung dang asayadaktünüa liasü, saka chief executive Craig Phillips-i ashiba agi, pai Tate' telemtetba angateter.

Nüburtemi tenem ozü... (Tapak 2 nungi...)

Asen sobaliba nung tenem züing mamshitsü asoshi ibai campaign tetenzüker ka südi, ta pai ayongzüker aser paisa Nagaland nung aliba ozü indang pocket guide booklet ka sayaja liasü.

Run for Hornbill nung category pezü liasü aser tetsürtem rongnung Jemie P, Supei S, Tsuyangla Yimchunger, Rutseinuo aser Tiamongla nungertem mezüngbuba, tanabuba, tasembuba, pezübuba aser pongububa liasü.

Teburtem rongnung Mariko, Wede Timero, Cuvoto Medeo, Thothgacheirin aser Taliyanger Ozukum nungertemi mezüngbuba, tanabuba, tasembuba, pezübuba aser pongububa takok nguteta liasü.

Oldest aser Youngest category nung arishi kum 67 tain Nihova Sema aser arishi kum

trok tain Kenyusa Kent nungeri sempet ngua liasü. Iba asemtepba nung shilem agir ajak nem kulizüing kaket agütsü.

Principal Chief Conservator of Forest & Head of Forest Force, Dharmendra Prakash, IFS ajanga iba sentong ayongzükerba nukjidong rateta ashi aser PCCF & Chief Wildlife Warden, Nagaland, Vedpal Singh, IFS ajanga o tatsüka jembia liasü.

Takok angur nem DFO, Wokha Forest Division, Suman W.M Sivachar, IFS ajanga takoker nem sempet agüja liasü.

"Run for Hornbill: Against Time" ya Department of Environment, Forests & Climate Change ajanga ayongzüker aser Green Park nungi Nagaland Zoological Park, Rangapahar tashi kilometer trok asema liasü.

Israel-i nüburtem ainshitsü... (Tapak 7 nungi...)

Hombarnü lasangiang asem south tsütsü tuyuba map ka agüja liasü. Hamas centres ajanga nung tenük yoker Gaza nung ground operation ulushir ta Israel mitkar temi shir anogo ka sülen iba totuyuba ya arur.

Israel sepai aser Hamas züingsem tsüngta raraba anogo tenetnü asoshi anena ataba Hokulbarnü tembangba sülen maneni bomb pokloksü tenzük. Anogo tenet rara anena atadang Hamas-i pua aliba Israel nunger aser bendanger 105 shi chiok aser iba melen Palestine nunger tepuokdak alir nisung 240 chioka liasü.

Hamas-i October 7 nü arütsü alema oa Israel south tsütsü maka Israel nunger nisung 1,200 tepseter ano nisung 240 shi pua bener aoba sülen ita ana jungnüa raraba nung nisung 15,500 dak tema takum samaogo, ta Gaza indang Ministry of Health ajanga ashir.

Aonung tepiyong tayimtsü amshia amakdang Palestine nunger nisung 100 dak tema asü, ta Hamas ketdangsur temi ashir. Iba ya ajanga Gaza nung Honibarnü nungi tenzuka tang tashinung asür nisung 800 dak tema akumer.

Israel-i Gaza south tsütsü Khan Younis nung amakba tesashiba akumer, koba taoba mapang 'safe area' ama yuja Palestine nunger nisung meyerijang aika iba yimti nung jenoka liasü.

Palestine nunger nisung meyerijang aika Gaza tesem balala nung pei ki yutsür yangji jenoka alidang amaker, ta osangbener kati ashir.

Israel nungeri Gaza Strip

south tsütsü raratsü sentong yangluba mapang asangsang nung iba rara anogo 58 atem dang Gaza nung nüburtem kumzüka alitsü tesem kata mali.

Israel mitkar temi takok anguba balaka mesayur saka Gaza Strip telung nung meimchir asoshi tensa tamajung adoktar, ta ashir.

Israel sepaitemi occupied West Bank nunga amang tepiyong aser Hombarnep tashi tesem balala meita oa maka liasü.

Parnoki Ramallah, Jenin, Silwad, Jaffna, Jalazoun, Qalqilya aser Hebron nung tesem balala meita ao aser nisung aika apu, ta Palestinian Wafa news agency ajanga ashir.

Israel army temi tanep Gaza north tsütsü Qalqilya nung tesem ka meita aodang Palestine nunger ana tepset, ta Palestine ketdangsur temi ashir.

Iba yimti nung prangbong bena alir ana tepset aser ka yiru, ta Israeli army radio ajanga ashir.

Tasü mang anaprong ya Israel sepaitemi bener ogo ta yangji alirtemi ashir.

Nisung tasü mang bener aoba yimya ya parnok dak lir aser October 7 nungi tenzuka amakdang tepsetba Palestine nunger tasü mang 25 Israel ketdangsurü yua lir, ta osangbener kati ashir.

Nisung 3,500 dak tema pua lir aser parnok ya timba taitsuba makai pua lir, ta osangbeneri ashir.

October 7 nungi tenzuka West Bank nung Palestine nunger nisung 256 tepsetogo aser yangji tepuokdak alir nisung trok Israel nunger ket nung asüba dena lir.

BILEMDANGANG

"Nai nü dak tamang makatetra tangaria makatetsü."